

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 214. sjednici tematskoj sjednici, održanoj 16.03.2020. godine, donosi

ZAKLJUČKE

U vezi sa postupanjem poslodavaca i radnika, u cilju sprečavanja bolesti izazvane koronavirusom (COVID-19)

1. Vlada Federacije Bosne i Hercegovine u oblasti rada, radnih odnosa i zaštite na radu daje sljedeće preporuke poslodavcima:

- Da provedu posebne mjere zaštite kojima će spriječiti nastupanje štetnih posljedica po zdravlje radnika, na način da radnicima skrate trajanje radnog vremena, ukoliko to proces rada dozvoljava;
- Poslodavcima koji zapošljavaju veći broj radnika da izvrše reorganizaciju radnog vremena, ukoliko to proces rada dozvoljava, te da rad koji se odvija u jednoj smjeni rasporede u dvije smjene, kako bi se izbjegla koncentracija većeg broja radnika na jednom mjestu;
- Da radnicima daju upute za rad od kuće, ukoliko je to zbog prirode posla moguće, odnosno ukoliko to proces rada dozvoljava;
- Da omoguće korištenje godišnjeg odmora radnicima, kao i korištenje odsustva u skladu sa zakonom, kolektivnim ugovorom ili pravilnikom o radu;
- Da se radnicima, roditeljima malodobne djece do 10 godina, omogući odsustvo sa posla jednom roditelju, u slučaju da oba roditelja rade;
- Otkazivanje svih službenih putovanja, kako u državi, tako i u inostranstvu, a posebno otkazivanje službenih putovanja na koja bi se upućivali radnici sa dijagnostificiranim hroničnim oboljenjima. Prilikom upućivanja na službena putovanja koja nije moguće otkazati, potrebno je radnike uputiti na instrukcije koje su izdate od strane nadležnih zdravstvenih institucija i ustanova na područjima gdje putuju, te radnicima obezbijediti odgovarajuća zaštitna sredstva, kao što su maske, sredstva za dezinfekciju, i sl;
- Poslodavci su obavezni u skladu sa propisima iz oblasti zaštite na radu osigurati redovno i pojačano provođenje higijenskih mjera u radnim i pomoćnim prostorijama, a koje, između ostalog, podrazumijevaju čišćenje i dezinfekciju prostora, kao i redovnu ventilaciju i provjetravanje;
- Otkazivanje sastanaka koji podrazumijevaju veći broj učesnika. Također, sastanci koji su neophodni, trebali bi biti organizovani u što većim prostorijama, uz dovoljan razmak između učesnika sastanka (1-2 metra);

- Poslodavci i radnici se upućuju da u vezi sa regulisanjem privremene sprječivosti za rad, usljed novonastalih okolnosti, postupaju u skladu sa postupcima Federalnog ministarstva zdravstva;
- Poslodavci i radnici se upućuju da u svemu postupaju u skladu sa preporukama Federalnog ministarstva zdravstva, a koje su date poslodavcima i radnicima na teritoriji Federacije Bosne i Hercegovine.

2. Ovaj zaključak stupa na snagu danom donošenja.

V. broj: 403/2020
16.03.2020. godine
Sarajevo



PREMIJER
Zeljko
Čović
Novalić

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 214. sjednici – tematskoj sjednici održanoj 16.03.2020. godine, d o n o s i

ZAKLJUČKE
U VEZI SA POSTUPANJEM BANKARSKOG SEKTORA, POREZNE UPRAVE
FEDERACIJE BOSNE I HERCEGOVINE, U CILJU SPREČAVANJA NEGATIVNIH
EKONOMSKIH POSLJEDICA PANDEMIJE IZAZVANE KORONAVIRUSOM
(COVID-19)

1. Zadužuje se Agencija za bankarstvo Federacije BiH da kontinuirano prati i analizira sve dostupne informacije, te razmatra mjere i aktivnosti za ublažavanje negativnih ekonomskih posljedica COVID-19 i očuvanje stabilnosti bankarskog sistema, u skladu sa Zakonom o Agenciji za bankarstvo FBiH („Službene novine Federacije BiH“, br.75/17), u cilju ublažavanja negativnih ekonomskih posljedica izazvanih pojavom COVID-19 na privredu, građane i bankarski sistem u Federaciji BiH.
2. Zadužuje se Agencija za bankarstvo u Federaciji BiH da, u najkraćem roku, pristupi donošenju podzakonskih akata kojima se podržavaju ključne mjere za ublažavanje efekata COVID-19 na bankarski sistem, privredu i građane u Federaciji BiH.
3. Upućuje se Preporuka poreznim obveznicima da upute zahtjeve Poreznoj upravi Federacije BiH za umanjenje akontacije poreza na dobit u skladu sa članom 52. stav (4) tačka c) Zakona o porezu na dobit („Službene novine Federacije BiH“ br. 15/16 i 15/20) posebno obveznika koji se bave izvoznim aktivnostima, djelatnostima prijevoza, turizma i drugim djelatnostima na koje utiče pandemija COVID-19.
4. Upućuje se Preporuka Poreznoj upravi Federacije BiH da prihvata zahtjeve za reprogramiranje duga po Sporazumima o izmirenju porezne obveze odgođenim plaćanjem ili plaćanjem u ratama upućenim od strane poreznih obveznika kojima se smanjuje iznos rate ili produžava grace period plaćanja.
5. Upućuje se preporuka Poreznoj upravi da svoje ljudske i materijalne kapacitete preusmjeri s drugih poslova, na poslove koji su nužni i u vezi s preporukama Vlade Federacije BiH.

6. Upućuje se preporuka poreznim obveznicima da koriste dostupni online sistem Porezne uprave Federacije BiH za podnošenje poreznih prijava.
7. Izmjena Pravilnika o primjeni zakona o porezu na dohodak u svrhu smanjenje iznosa plaćanja paušalnog poreza na dohodak kod paušalaca – obveznika poreza na dohodak.
8. Vlada Federacije BiH će iz komisionih sredstava i drugih raspoloživih sredstava formirati Jamstveni/Garancijski fond iz kojeg bi se davala jamstva bankama za nove kredite za likvidnost privrednim subjektima (za obrtna sredstva, plaće zaposlenima i sl), prioriteto sektorima koji su najugroženiji od posljedica pandemije COVID-19.
9. Vlada FBiH će razmotriti mogućnost formiranja posebnih kreditnih linija za tekuću likvidnost u saradnji s međunarodnim finansijskim institucijama (nabavka repromaterijala i plaćanje javnih prihoda i doprinosa) pod povoljnim kamatnim stopama, s prihvatljivim rokom otplate i uz gracie period.
10. Ovi zaključci stupaju na snagu danom donošenja.

V. broj: 404 /2020
16.03.2020. godine
Sarajevo



PREMIJER

Novalic